

Newspaper	UTUSAN MALAYSIA
Date	7 FEB 2015

Presiden Indonesia pertama lawat Proton

SHAH ALAM 6 Feb. - Bekas Perdana Menteri, Tun Dr. Mahathir Mohamad menyifatkan Presiden Indonesia, Joko Widodo sebagai pemimpin yang berdedikasi dalam menjalankan tugasnya.

Beliau berkata, Joko yang terkenal dengan gelaran 'Jokowi' juga komited untuk memimpin negaranya ke tahap yang lebih baik.

"Saya difahamkan, Joko berminat untuk mempelajari tentang beberapa perkara daripada Malaysia," katanya dalam sidang akhbar di Pusat Kecemerlangan Proton Holdings Berhad (Proton) di sini hari ini.

Terdahulu, Dr. Mahathir dan Perdana Menteri, Datuk Seri Najib Tun Razak serta Jokowi menyaksikan majlis menandatangani memorandum persefahaman (MoU) pembangunan dan pengeluaran kereta nasional Indonesia

WW

Kebiasaannya, orang kurang selesa menaiki kereta dipandu secara perlahan oleh seseorang yang berumur 80 tahun tetapi Joko nampak gembira."

DR. MAHATHIR

di antara Proton Holdings Berhad (Proton) dan PT Adiperkasa Citra Lestari.

Yang turut hadir Menteri Dalam Negeri, Datuk Seri Dr. Ahmad Zahid Hamidi; Menteri Perdagangan Antarabangsa dan Industri, Datuk Seri Mustapa Mohamed dan tim-

balannya, Datuk Ir. Hamim Samun serta Menteri Perdagangan Indonesia, Rachmat Gobel.

Jokowi (seterusnya meluangkan masa kira-kira 30 minit untuk melihat sendiri operasi pengeluaran kenderaan Proton dan lebih istimewa lagi, beliau menaiki kenderaan yang dipandu Dr. Mahathir.

Dr. Mahathir yang juga Pengerusi Proton menambah, Jokowi kelihatan sangat ceria sepanjang lawatannya itu.

"Kebiasaannya, orang kurang selesa menaiki kereta dipandu secara perlahan oleh seseorang yang berumur 80 tahun tetapi Joko nampak gembira," jelasnya sambil berseloroh.

Kunjungan Jokowi itu juga mencatatkan sejarah sebagai Presiden Indonesia pertama yang melawat premis pengeluaran kenderaan Proton.



JOKO WIDODO dan Dr. Mahathir Mohamad melihat prototype kereta Proton Iriz di Pusat Penyelidikan dan Pembangunan Proton dalam lawatan Pusat Kecemerlangan Proton di Shah Alam, Selangor, semalam. - BERNAMA